

地 130
942
=1

河北省縣名考原

河北省縣名考原

陳鐵卿著



天津縣 天津本海邊荒區，自古均未置縣，元代始於此置海津鎮，清一統志，『明永樂初，由此南下滄州，始築城置戍，三年，調天津衛及天津左衛來治，四年，又調天津右衛治此，』天津衛志云，『明文皇靖難，駐兵於茲，及即位，永樂二年築城，三年，調官軍守之，文皇渡此，賜名天津，始隸之河間，箕尾分野，其四名之因，則李文正記詳之，』李東陽創造天津衛城碑記云，『我朝太宗文皇帝兵下滄州，始立茲衛，命工部尚書黃公福，平江伯陳瑄，築城浚池，立爲今名，則象東駕所渡處也，』命名之義，以此說爲最可信，後起之說有二，一爲天津縣志引舊志，謂天津本良鄉北近口關名，自永樂置衛，遂移直沽，二爲靜海縣志，謂女宿上有天津九星，姚廣孝占應小直沽，故以爲名，均屬附會，

天津縣治本名小直沽，故天津亦稱津沽，明置三衛，故亦稱三津，又有稱爲析津者，考唐書天文志云，『箕，析木津也，』遼史地理志云，『燕分野爲析木之津，』宋幽州入遼爲南京，改稱析津府，首縣亦改名析津，即今大興縣，初非天津縣之古稱，人以其有津字，遂用爲縣之別稱

耳，又，天津亦稱津門，考古人於津渡處置關門，謂之津門，實一通用名詞，今用爲地名，亦以其有津字故耳，

靜海縣 金明昌四年置靖海縣，原縣兼有今天津縣之東南部，以濱海，故名，明洪武初，改靖爲靜，

青縣 宋乾寧軍，在今青縣地，大觀二年，升爲清州，宣和遺事載，大觀元年，黃河清，詔曰，國家承百五十年，三有河清之應，而乾寧軍河清逾八百里，凡七晝夜，上天眷祐，敢不欽承，其以乾州爲清州，』明洪武八年，降清州爲縣，尋又以河決，改清爲青，見縣志

滄縣 北魏置滄州，迄清未改，（明省所治清池縣入州）民國二年二月改爲縣，元和郡縣志，『後魏熙平二年，分瀛州冀州置滄州，以滄海爲名，』案北魏滄州，北有今天津之大半，而東南則遼及今山東利津縣，東臨渤海，故以滄海爲名，迄清爲散州，不復領縣，然本州境仍濱海，至民國二十五年九月，東北部析屬新海設治局，本縣遂入腹地，名實不符矣，

南皮縣 史記張耳陳餘傳，『項羽以張耳不從入關，聞其在南皮，即以南皮旁三縣封之，』南皮之名，見於紀

載者始此、縣名沿稱至今未改、太平寰宇記、『皮城、在南皮縣北、齊桓公北伐山戎、至此修繕皮革、因築焉、』洪水注、『章武有北皮亭、故此曰南皮、』

鹽山縣 漢爲高城縣、隋開皇十八年、改曰鹽山、隋書地理志載、縣有鹽山、元和郡縣志、『鹽山在縣南八十里、』今屬山東無棣縣、其時在高城境內、因名、

膠雲縣 隋置無棣縣、縣有膠雲鄉、明永樂初以名縣、避成祖諱也、

河間縣 漢高帝置河間郡、河間之名始此、應劭曰、『在兩河之間、』漢書補注引何焯云、『兩河、謂滹沱河、滹沱別河、』今河間縣在漢爲武垣縣、(按漢武垣兼有今肅寧縣地、故治亦在今肅寧境內、後漢始東移至今河間縣南、)惟武垣在兩漢屬涿郡、至三國始設河間、北魏乃移爲郡治、隋因亦將武垣縣改名河間、以後因之、

獻縣 漢爲樂成縣、河間國都此、隋改名樂壽、金於縣置壽州、天德三年、因與南京路州名重複、改稱獻州、仍治樂壽縣、河間府志、『以其爲漢河間獻王封國、獻陵在焉、故特名其州曰獻、』明洪武初、省樂壽縣入州、八年、降爲縣、即以州名名焉、今因之、

肅寧縣 宋雍熙中、於河間縣西境置平廣營、當時河

間境域過廣、治理爲難、故置營以守之、景德二年、改爲肅寧城、命名蓋取寧靖地方之意、金置爲縣、

寧字清以避宣宗諱、改以寧字代之、(清會典事例、宣宗卽位、寧字將心字改寫一橫一撇、作寧、至咸豐四年、始定以寧字更代、)入民國後、雖仍舊名、惟已間有用原寧字者、公牘中亦多見之、十七年以後、用寧字反多於用寧、蓋已自然趨於更復、二十七年公布河北省縣名、已一律復用原字矣、(以下凡有寧字各縣均同、不另說明、)

任邱縣 本漢鄆縣地、太平寰宇記、『任丘古城、在縣南二十六里、三郡記、漢元始二年、巡檢海使中郎將任丘築此城以防海寇、卽以爲名、至後漢桓帝崩、無子、後太史校尉竇武詣河間迎靈帝、至此朝謁、又謂之謁城、』北齊置任丘縣、以後時廢時置、而名稱未改、至清雍正間、以避孔子諱、改丘爲邱、

東華錄、『雍正二年八月癸酉、諭內閣九卿等、古有諱名之禮、所以昭誠敬、致尊崇也、(中略)孔子德高千古、道冠百王、正彝倫、端風化、爲往聖繼絕學、爲萬世開太平、自天子以至於庶人、皆受師資之益、而直省郡邑之名、有聖諱字在內者、古今相沿未改、朕心實爲不安、爾等會議、凡直省地名有同聖諱者、

或改讀某音，或另易他字，至於常用之際，於此字作何回避，一併詳議具奏。」十二月庚寅，禮部等衙門遵旨議覆，先師孔子聖諱，理應回避，惟祭天於圓丘，丘字不用回避外，凡係姓氏，俱加偏旁爲邱字，如係地名，則更易他名，至於書寫常用之際，則從古體卅字，得旨，今文出於古文，若改用卅字，是仍未嘗回避也，此字本有期音，查毛詩及古文作期音者甚多，嗣後除四書五經外，凡遇此字，並用邱字，地名亦不必改易，但加偏旁，讀作期音，庶乎允協，並副朕尊崇先師至聖之意。」

東光縣 漢縣，今因之，義未詳，（或謂漢陳留郡有東昏，東光東昏，相對爲名，誌之以備一說。）

阜城縣 漢阜成縣，取尙書阜成兆民之義，魏晉後改阜城，失命名本意，唐天祐二年，改名漢阜，五代復故，交州縣 金大定七年置，以滹沱高河二水交流而名，今因之。

寧津縣 唐宋爲臨津縣，金天會六年，因水患，徙今治，改名，寓祝壽之意。

景縣 漢有景成縣，在今獻縣東九十里，郡今滄縣西界，後漢省，隋開皇十六年，於長蘆一縣北周置，在今

滄縣西，置景州，本景成爲名，見元和郡縣志，景之名始此，惟今之景縣，原名蓆，隋屬冀州，不特隸屬無關，且景州在今之滄縣，相距亦甚遙遠，（隋景州領長蘆魯城二縣，均在今滄縣地，）唐及五代景州領有東光，（五代并治東光，）始與蓆縣接壤，後周改景州爲定遠軍，宋改爲永靜軍，金復置爲景州，始領蓆縣，元並徙州治焉，（金大安間，以避諱改名觀州，元復故，）明洪武初，省蓆縣入州，（即以景州）後領原蓆縣地，州下不設縣也，（清仍之，民國二年二月改縣，）

吳橋縣 原爲將陵縣之吳橋鎮，金置爲縣，今因之，河間府志，「吳橋名鎮者，邑人傳爲古大姓吳氏所族居，」

故城縣 原爲故城鎮，元初置縣，讀史方輿紀要，「故城縣，金爲故城鎮，」清一統志引舊志，「金明昌五年，以廢長河縣置故城鎮，元升爲縣，今有故城在縣南關外，衛河北岸，」案縣廢後故址仍爲村鎮者，常以故城或故縣爲名，此例甚多，惟長河縣在今山東德縣，不在本縣境內，意以鎮升縣，故取原名，而設縣時，另徙今治，未可知也。

大興縣 漢迄唐均名胡縣，入遼後爲南京析津府治，縣亦更名析津，金貞元元年，定都於此，改析津府爲大興府，次年，縣亦更名大興，取興國之義，以檢均因之。

宛平縣 唐幽都縣，遼開泰元年，改名宛平，與析津縣

(今大興縣) 同為南京析津府治，幽都本薊縣地，自來即

為燕都，遂改名蓋取平定幽燕之義，不作燕平而作宛平者

，蓋本釋名，燕，即宛也，(釋名釋州國，「燕，宛也，北

方沙漠平廣，此地在涿鹿山南，宛宛然以為幽都也。)

文安縣 漢縣，至今沿稱未改，義未詳，

大城縣 漢名東平舒，北魏去東字，石晉初入契丹，

周顯德六年收復，改名，參看霸縣說明，

文獻通考，「魏平舒縣，周改名，」太平寰宇記，「平

舒縣，周顯德六年割隸霸州，今改名大城縣，」均可證係

後周改名，順天府志以通鑑有周顯德六年割隸州之大城隸

霸州之語，謂既稱灤州大城，則未屬霸州前，當已更名，

因從方輿紀要作後唐改，惟通考所載，至為明顯，通鑑乃

本諸職方考，當係用後名追叙，未足據也，

按本縣名大字，通讀如戴，所存古音，中國語音之變

遷，以晉末及元代為兩大關鍵，今江南各處，讀大如

泰者尚多，又可見字音之變，江北為尤甚也，大城之

名，始於五代，則大字之改讀禡滿，當在元代後矣，

(大名亦始於五代，今人稱縣名時，亦多讀如戴，)

新鎮縣 宋太平興國六年，於灤州歸信縣之新鎮置平

戎軍，後改保定軍，金廢為保定縣，元迄清因之，民國三

年，因與保定道名重複，改，蓋用置縣前之鎮名為縣名也，

武清縣 漢為雍奴縣，唐天寶元年，改名武清，以後

因之，義未詳，

僑唐書本紀，「天寶元年，改天下縣名不穩及重名者

，一百一十處，」雍奴之改武清，蓋名稱不穩之類也，

霸縣 原為永清縣之益津關，石晉初入契丹，後周

顯德六年收復三關，益津關其一也，於此置霸州，又於瓦

橋關置雄州，均名取威烈，以章武功，(大城改名，亦屬

此類，)元迄清因之，民國二年二月，降州為縣，

固安縣 漢有故安縣，北魏改置為固，乃在今易縣地

，然實今縣名之所本也，北齊省，今固安縣地，漢至北魏為方

城縣，亦嘗於北齊，隋於方城故地，復置固安縣，蓋用舊縣

名而易其地也，太平寰宇記，「隋開皇九年，自今易州涿水

縣界，移固安縣於此，屬幽州，」元升為州，明復降為縣，

永清縣 唐置武隆縣，嗣改名會昌，天寶元年，又改

今名，日下清聞考引長安客話，「縣名取邊境永清之意，」

原武清軍今霸縣地，於石晉初入契丹，後周顯德六

年收復南境地，置霸州，並另置永清縣為州治，自是

南北兩永清並立，宋遼分界於此，宋之永清，在今霸

縣地、在遼者、乃今永清縣也、宣和四年由遼收復時、

在今霸縣之永清、早已省罷矣、

安次縣 漢縣、至宋未改、(案魏書地形志作安城、惟

舊唐書地理志云、『安次漢縣、至隋不改、』水經注亦作安次、

魏志安城、恐係刊刻之誤、)元升為東安州、明降為縣、

仍名東安、清因之、民國三年、因與川與湘三省縣名重複、

復安次故名、義未詳、

涿 縣 漢縣、為涿郡治、郡縣均以涿水得名、聖水

注、『桃水東運涿縣故城下、與涿水合、水出涿縣故城西

南、』涿郡於黃初中、改名范陽郡、涿縣亦於唐初改名范

陽、大曆四年、復置涿州、仍治范陽、以後涿名在州不在

縣矣、至元末未改、明初、省范陽縣入州、清因之、民國

二年二月、改州為縣、

良鄉縣 漢良鄉縣、在今房山縣地、漢書王子侯表作

梁鄉、地理志則作良鄉、二名古時或通用、後以良字名佳

、漸廢梁字不用耳、至唐未改、今良鄉縣地、漢迄北魏為

廣陽縣、北齊省入薊縣、唐改屬良鄉、於是良鄉兼有今房

山良鄉兩縣地矣、五代梁時、良鄉仍治今房山地、後唐長

興三年、始徙今良鄉治云、(良鄉原治、後分置房山縣、)

縣志謂以其人物俱良為名、亦想當然之詞也、

房山縣 金置萬寧縣、旋改名奉先、以山陵所在也、

元世祖至元二十七年、改名房山、以縣西北大房山得名、

魏書地形志、『良鄉縣有大房山、』(案良鄉即今房山、說

見良鄉縣、)聖水注作大防山、

冀 縣 說文、『冀、北方、从北、異聲、』玉篇、『北

方州、故從北、』冀為州名、始於禹貢、本省除南端及東

南部十數縣外、餘均屬之、故至今猶為本省之通稱、地名中

與本省關係之鉅且久、此其首也、漢以後、歷代均有冀州、

自三國魏後、均治信都縣、(原治鄆、黃初中、移治信都、

見元和郡縣志、)明初、省縣入州、清因之、民國二年二月、

復改州為縣焉、

禹貢冀州區域、在本省者、百數十縣、(謂有今百數

十縣之地、非其時已設縣也、)以後則逐漸削減、漢迄晉、

北方另析幽州、餘百縣上下、自北魏以後、漸減至十數縣、

唐以後、更不及十縣、元迄清、僅領四五縣、今則本州亦

改為縣、領域今昔大小懸殊、惟此為最、

衡水縣 隋開皇十六年置、元和郡縣志、『縣在長蘆

河西、長蘆河則衡水故瀆也、因以為名、』

南宮縣 漢縣、至今沿稱未改、相傳南宮廷居此、因

以名其地、考史記索隱、『南宮廷蓋居南宮、因姓焉、』是

人因地氏，已與傳說不合，且延世爲魯大夫，今海宮在春秋爲晉地，或安得居之，所居當別有其地，與此無涉也。

齊強縣 漢縣，元和郡縣志，「其地本強縣，故曰

集強。」本作集強，後漸通用作強，但史志中仍均作強，明史地理志始改作強字，今仍之。

武邑縣 漢縣，沿稱至今未改，路中國名紀引世本云，「武，夏武羅國，冀都之武邑。」是地本單名武字，邑乃城郭之通稱，漢置縣加之以爲名也。

新河縣 本河宮縣之新河鎮，宋皇祐四年升爲縣。

新海設治局 民國二十五年九月，析滄縣鹽山兩縣沿海地置，以新設而地濱海，故名，（設治原提案中，曾擬定慕義、立忠、富民、敦仁、明德、興海、興安、永靜、八名，均未用。）縣治初設於原屬鹽山之韓村，二十六年十一月以後，移治原屬滄縣之齊家務，在韓村西北七十里。

清苑縣 北魏置縣，以清苑河得名，見太平寰宇記。

滿城縣 漢爲北平縣，太平寰宇記引城家記，「趙簡子築北平城以拒燕，今滿城是也。」東魏改置永樂縣，唐天寶元年，改名滿城，今因之。

案舊唐書及元和郡縣志，於本縣均作蒲城，元和志且謂以縣北故蒲城爲名，至太平寰宇記及新唐書始作滿城，趙一

清水經注釋舉謂滿城乃蒲城之訛，其言曰，「一清案，蒲城，今直隸之滿城縣也，蒲滿字本易淆，保定府志及滿城縣志，皆不能識其受氏之故，或以爲秦邑，又以爲張蒼封北平侯，子孫滿邑，因名，皆燕說也，新唐書地理志，太平寰宇記，並云，唐天寶元年，始立是邑，不知元魏時已有蒲城之號，善長生於拓拔朝，其言非謬，元和志云，蒲城縣本漢北平縣地，後魏於此置永樂縣，天寶元年，改爲蒲城，以縣北故蒲城爲名，夫曰故蒲城，則非自唐始矣，蒲城之稱，惟元和志及舊唐書同于酈注，其他記載，莫不從滿城之訛，千年大或，誰復祛之，章懷後漢書注云，前書音義曰，蒲陽山蒲水所出，在今定州北平縣西，又云，北平縣屬中山國，今易州永樂縣也，又云，東觀漢記作蒲，本多作滿者，誤也，北史魏陳留王虔傳，兄覲從平中山，以功賜爵蒲城侯，觀此，益信予言之有徵矣。」滿城縣所送志料駁之云，「趙氏一清，據水經注蒲城立說，以爲滿係蒲字之誤，力詆新唐地志及寰宇記之非，武斷殊甚，水經注蒲城，是否卽今滿城，姑不具論，且以縣名訛舛，傳說數百年，無人辨之，寧非異事，清季滿城發見唐定遠將軍馮術墓誌，有「卜居河朔，擇鄰滿城。」之語，足徵唐時確名滿城，此誌爲大曆十一年十二月二十八日，去天寶僅三十六年，傳聞不

致異詞、足祛趙氏之惑矣、」案縣名滿城、沿用已千百餘年、本無疑義、惟滿城之名、則係由蒲城形訛而來、習非成是、是又不可不知也、澠水注、「徐水東逕蒲城北、又東逕清苑城、」考其經流、蒲城確在今滿城縣北、元和志謂「以縣北故蒲城爲名、」元和去天寶置縣時、不過數十年、吉甫又爲贊皇人、距滿城非遙、其言自可徵信、不能并此而疑之也、（縣志引元和志此語、竟將蒲字改爲滿字、謬甚、）惟蒲滿形訛、自漢已然、至唐尤甚、嘗設縣之始、自係以縣北蒲城爲名、蒲字既多訛滿、因亦改焉、漢西樂城、語訛爲新樂、置縣遂以新樂爲名、滿城之得名、正與此類、由今日觀之、滿城之名、沿用既久、自覺滿是而蒲非、但在當時學者心目中、則覺蒲正而滿俗、修史者不願過於徇俗、於此仍書故字、此元和舊唐兩志、所以均作蒲城也、亦猶武彊縣名、久已改作武強、但各史志中均仍用原字、直至明志始行改易、臺城縣名、後習用作臺城、元史地理志已從俗易字、而元代石刻、仍多作臺、學者拘於正俗之見、從來如此、不獨元和等志爲然也、

此外唐代尚有一改蒲爲滿之例、蓋併華之、以爲初事之證、隋有蒲州、治高陽縣、末年省廢、至唐初復置。不特舊唐書仍作蒲州、即太平寰宇記亦然、惟新唐書地理志高

陽縣註、則作滿州、證以博野縣彌勒下生成佛經碑陰所載經主人名、所署官職、有「前滿州高陽縣丞、前滿州司戶、滿州司兵、」則新唐志所載爲是、夫復置故州、猶從俗易字、滿城本係新置、本蒲城之名、而易蒲爲滿、亦易足怪、舊唐志寰宇記之不作滿州、與元和舊唐兩志之不作滿城、正復相類、趙氏之論、固不盡合、而志料所言、亦未見其大也、

徐水縣 宋置安肅軍、旋廢爲縣、尋復爲軍、金改州、明初降爲縣、仍名安肅、民國三年、因與甘肅道名重複、以縣南有徐水、因以爲縣名、

漢書地理志、「北平縣、徐水東至高陽入博、」徐水注、「徐水東逕清苑城、」讀史方輿紀要謂徐水在清苑縣北十里、安肅縣南四十里、蓋在今清苑徐水二縣接界處、

定興縣 金大定六年置、命名取興大之義、（或謂兼取紀元爲名、誌之以備一說、）

新城縣 唐置、嘗以新置、故以新城爲名、

案唐大曆四年、析固安置新昌縣、大和六年、又析范陽置新城縣、取義均同、又案析范陽置新城、見輿地廣記、清一統志作析新昌置、恐係揣測之詞、或謂新城以析新昌而名、本清統志說、非、

唐縣 應劭曰：『唐，故堯國也。』張晏曰：『堯為唐侯，國於此。』此係傳說如此，其見於紀載，確可徵信者，則在春秋時代，左傳昭公十二年，（案是年為周景王十五年）經：『春，齊高偃帥師納北燕伯於陽。』傳：陽作唐，杜注：『陽即唐，燕別邑，中山有唐縣。』唐之名可考者始此，沿用至今，名稱之古，僅亞於任縣云。

博野縣 後漢置博陵縣，博，本蠶吾縣地，桓帝父陵在博，置縣，因名焉，魏晉名博陸縣，北魏改名博野，太平實字記：『以地居博水之野，故名。』名與今縣同，而地則在今蠶縣，今之博野，漢迄北魏名蠶吾，蠶吾乃今蠶縣名之所自出，蓋兩縣名稱，與今適相反也，北齊省蠶吾入博野，自隋迄金，均為博野地，元世祖至元三年，省博野縣，以東境（約當今蠶縣地）入蠶州，西境（約當今博野縣地）入蒲陰，三十一年，又由蒲陰析出，置為博野縣，即今縣也。

望都縣 戰國時屬趙，為慶都邑，史記秦本紀：『始皇七年攻慶都。』漢改名望都，張晏曰：『堯山在北，堯母慶都山在南，登堯山，見都山，故以為名。』至宋未改，金復名慶都，清乾隆十一年十月，高宗巡幸五臺，歸時，以慶都與堯母同名，復改名望都。

容城縣 漢書地理志：『容城，莽曰深澤。』易水注：『易水東逕容城故城南，高帝六年，封趙將夜於深澤，景帝中三年，以封匈奴降王唯徐慮於容城，皆為侯國，莽更名深澤也。』蓋漢初本名深澤，為侯國，景帝中三年國除後為縣，始更名容城，莽又復名深澤，至後漢，再改容城，北齊省，唐初復置，名適，又改至忠，天寶元年，始復容城故名，沿稱至今，義未詳。

完縣 案原縣較今縣為廣，兼有今定興東部及今新城西北部，於晉開運二年入遼，周顯德六年僅收復南境地，另置容城縣，約當今之縣境，而在遼之容城，仍存在如故，南北兩容城並立，凡百數十年，至金始合併為一，亦異事也，并記之。

完縣 金貞祐二年置完州，明洪武二年七月，降為縣，義未詳。

蠶縣 漢蠶吾縣，縣名之所由來也，但蠶吾在今博野縣地，今蠶縣地，在前漢為陸成縣，後漢為博陵縣，魏晉為博陸縣，北魏為博野縣，兩縣名稱，與今恰反，說已見博野縣，北齊省蠶吾入博野，於是博野乃兼有今博蠶兩縣地，而縣治仍在今蠶縣，唐武德五年，於縣置蠶州，本蠶吾為名也，元初省博野入蠶，以東境者入州，西境則省

入蒲陰，後置爲博野縣。明洪武八年正月，降州爲縣焉。
進 縣 後周顯德六年，收復三關，於瓦橋關置雄州，
明洪武七年四月，降爲縣，參看霸縣說明。

安國縣 漢魏間名安國，北齊省，隋復置，名義豐，宋
改蒲陰，原屬定州，宋景德五年，徙祁州治，祁州原
治無極。元因之，明省蒲陰入州，清沿之，民國二年二月
改爲縣。二年，又以祁字與山西縣名重複，復古名曰安國，

安新縣 縣乃安州與新安縣之合稱也，安州置於金天
會七年，原治高陽，至大定二十八年，徙治葛城縣，泰和
八年，又徙治渥城縣，渥城係金泰和四年所置，其縣治在
今安新東北十八里，卽故新安治，元初，州復徙治葛城，
葛城，卽今縣治也，世祖至元二年，廢渥城縣爲新安鎮，
舊志云，『元以金移安州治此，故曰新安。』九年，復置渥
城縣，改名新安，明洪武二年七月，省葛城入州，清仍之，
道光十二年，又省新安入州，民國二年二月，改爲安縣，
三年，以併有新安故縣，復改名安新。

東鹿縣 漢爲鄆縣，以後名稱屢變，至隋開皇十八年，
改名鹿城，唐天寶十五載，以安祿山反，改名東鹿以避之，
說詳獲鹿縣。

讀史方輿紀要云，『東鹿巖在縣北，縣蓋以此巖名。』

牽強附會，雖名書亦不免也。

高陽縣 漢縣，今因之，應劭曰，『在高河之陽。』蓋
以水得名。

正定縣 戰國時名東垣，屬中山國，趙取之，漢爲
縣，仍名東垣，高帝十年，代相陳豨反，孫將趙利守東垣，
十一年，攻拔之，改名真定，寓戡定之意，相沿至清初未
改，雍正元年，因避世宗嫌名，改爲正定。

案後唐宋金有真定府，元爲真定路，明清又爲真定府，
均治真定縣，清并府名亦改真爲正，惟舊名沿用既久，驟
驟變更，普通言語間，道及縣名，尚多呼爲真定云。

獲鹿縣 隋置鹿泉縣，唐天寶十五載，改名獲鹿，改名

原因，見通鑑胡註，云，『劉昫曰，明皇以安祿山反，改常

山之鹿泉曰獲鹿，饒陽之鹿城曰東鹿，以厭之。』通鑑至

德元載十月註，厭同禱，禱也。考舊唐書本紀，『天寶十五

載三月，改常山郡爲平山郡，房山縣爲平山縣，鹿泉縣爲

獲鹿縣，鹿城縣爲東鹿縣。』胡註僅言獲鹿東鹿改名之原

因，而郡縣之更名平山，亦係此詞，蓋均取不利祿山之詞

，以冀其速敗也。案所改郡縣名中，均有鹿山字，且皆

曾爲安所據者，時滄景諸州不附安，而嶺山縣名未改，亦可

證也。一夫縣名本爲日常所稱道，見於公牘，載之史書，

取義宜求正大，乃竟如此命名，未免近於兒戲耳。

縣名獲字，今讀如懷，此係方言，而流行甚廣，字音之轉也。考此種字音轉變，其例頗多，如略得音於害，蓋得音於盍，略盍爲入聲，而蓋害轉入泰韻，是也。惟獲之讀懷，除縣名外，尙鮮聞之耳。

井陘縣 戰國趙地，史記秦紀，「始皇十八年，攻趙下井陘。」以井陘山在南得名，漢置縣，沿稱至今未改。元和郡縣志，「四面高，中央下，如井，故曰井陘。」太平寰宇記，「如井之深，如窰之陘，故曰井陘。」廣雅釋宮，「窰謂之窰，其層謂之陘。」疏證，「陘，窰邊承器之物，以土爲之。」說文，「陘，山絕坎也。」彌雅釋山，「山絕陘。」疏，謂山形連延，中忽斷絕者，名陘。」

阜平縣 金明昌四年置，今因之，境內多山，治所適當平田，縣或以此名。

樂城縣 春秋晉欒邑，相傳爲欒武子封邑，古籍無此說，太平寰宇記始載之，（趙州平棘縣下）其說爲後起，是否難遽斷也。後周齊，左傳，「哀公四年，齊國夏伐晉，取欒。」杜注，「在趙國平棘縣西北。」考今樂城縣地，前漢爲閭縣，後漢改置樂城縣，後省入平棘，杜預晉人，晉時正爲平棘縣地，平棘卽在今趙縣治，樂在其西北，則在今

樂城地，蓋無疑焉。太平寰宇記，「後魏太和十一年，於漢縣故城置樂城縣，取平棘縣舊樂城爲名。」唐天祐二年，朱全忠避其父嫌名，改名欒氏，後唐復故，今因之。

行唐縣 史記趙世家，「惠文王八年，城南行唐。」卽今行唐縣地，秦爲真定地，（見太平寰宇記）漢置南行唐縣，至北魏去南字，爲今名，以後縣名又更易多次，五代漢以後，始確定未改。

縣志云，「堯詣平陽卽帝位，南行，經歷行唐，邑之名由此始也。」雖屬附會，但唐縣在北，此用南字，要亦係以方位得名也。

靈壽縣 世本，「中山武公居順，桓公徙靈壽。」史記樂毅傳，「樂羊爲魏文侯將，伐取中山，魏文侯封樂羊以靈壽。」魏伐中山，在周威烈王十八年，中山之都靈壽，更在其前，靈壽之名，迄今未改，亦云古矣。

平山縣 隋置房山縣，唐天寶十五載，以安祿山反，改名，取討平安祿山之義，說詳獲鹿縣。

縣志，「至德元載，兼取西平房山二名，改爲平山。」或又謂歷晉五臺太行西山，高山嵯峨，至此而勢始平，故曰平山。」望文生義，附會如此。

平山縣 春秋鼓國，爲晉所滅，隋置鼓城縣，用故名也。

元太祖十年，於縣置晉州，係以晉地爲名，明初，省鼓城縣入州，清仍之，民國二年二月改縣。

左傳、『昭公十二年，晉荀吳僞會齊師者，假道於鮮虞，遂入昔陽。』『十五年，荀吳伐鮮虞，圍鼓，取之。』『二十二年，荀吳略東陽，使師僞繻者，負甲以息於昔陽門外，遂襲鼓，取之。』杜注、『鼓，白狄之別，鉅鹿下曲陽縣有鼓聚。』濁漳水注、『白渠枝水，軍經昔陽城。』世謂之曰直陽城，非也，本鼓聚矣。』案昔陽爲鼓國邑名，漢置下曲陽縣，北魏去下字，北齊省，至隋開皇六年，改置爲昔陽縣，復古名也。十八年，改名鼓城，則又以故國名爲縣名矣。

或疑晉地廣矣，初獨於此爲名，不知此係就與鼓之關係而言，鼓城，即昔之鼓國，而又適用其名，晉州以治之，取台社事，故以爲名也。（今爲縣名，於義不可通矣。）

無極縣 漢毋極縣，唐萬歲通天二年，改毋爲無。

從來方志，皆謂縣以無極山得名，山名本甚古，地以山名，理宜然也，然無極山在今元氏縣西二十五里，漢無極山神廟碑云、『……毋子常山蓋高，上黨范滂，爲元氏三公神山，去年五月，常山相巡詣山請雨，山神四使高傳言。白國縣，即與封龍靈山無極山共與雲雨，常山相巡。』

會于翔各以一白羊賽，復使高與滂俱詣太常，爲無極山神案法食。……」案此碑自清代卽已佚亡，碑文見隸釋，相

傳元氏縣之無極山碑，乃三公山神碑之譌，一則山自漢代卽在元氏，與毋極縣相距百餘里，意其得名，由來甚遠，而山地隔離之位，大致不出兩因，一，初毋極之名，在山附近，後地名漸從而遠，如景縣以漢景成得名，昌黎以漢交黎得名，與原地均相隔甚遠是也，二，毋極邑境原甚廣大，無極山本在境內，後漸折而小，山地所在，另屬他邑，如寧城縣本以產鹽得名，後以產鹽地另置寧河縣，靜海縣以濱海得名，後指海地析屬天津縣，均改名實不符是也，其間所歷變遷，今已不能詳考，然當均在漢前，考毋無二字，古本通用，而毋字較古，意山名在古代亦作毋極，爲地名所本，後山已隨習俗改用無字，而地名爲政令所關，變更較難，故至漢後猶存本字，（古彊字，後通用作強，而縣名武彊，龜彊，至明代始用彊字，亦此例也，）亦可見地之得名，不自漢始也，一秦置縣境域不詳，如秦與漢同，則得名更在秦前也，一人多不出此理，竟有謂縣境另有無極山，爲縣所得名者，如新唐書地理志云、『無極縣有無極山。』讀史方輿記要，『無極山在無極縣西三十里，縣以此名，志云，山脈自一氏縣封龍無極諸山而來，此山雖

不甚高，而托體崇弘，故仍冠以無極之名，亦由此而西，太行歸巨，大山長谷，遙無窮盡，』考無極縣境內，不特無無極山，且縣係平原，直無一山，唐志所載，已屬無憑，紀要所引，更因而附會之，無中生有，粉飾多詞，則更可笑矣。

藁城縣 漢縣，原名藁城，漢書五行志，『成帝建始四年隕石，藁四，肥蠶一，』後漢書郭后紀，『后，真定人，』蓋地原名藁，置縣加城字，以便稱道，故有時亦可將城字略去也，北齊改名高城，隋開皇十八年復故，唐天祐二年，改名藁平，梁開平六年復故，（參王鎔附晉，在開平四年冬，更復故名，自在附晉後，讀史方輿紀要作三年，時地在梁，無復故名理，清一統志作六年，爲近是，從之，）至 史地理志，藁字始加艸作藁，今沿用之。

案縣原名藁字，下从禾，音編，亦作稿，禾稈也，另有下从木之字，亦作稿，音考，枯木也，易說卦，『爲科上稿』是，與從禾者音義各異，此从禾从木兩字，各在上加艸之俗體字，本縣名加艸而後，下仍應从禾，惟以字畫過多，辨別較難，故通用者下均從木，亦讀作稿云，（上加艸而下从禾之字，現已不見。）

新樂縣 和郡縣志，『隋省新樂縣，取新樂故城爲

名也，新樂者，漢成帝時，中山孝王母馮昭儀隨王就國，王建宮於樂里，在兩鄉，呼爲新樂城，時人語訛，呼西爲新，故爲新樂，』縣於隋開皇十六年，今因之。

易 隋初置易州，以易水爲名，并於開皇十六年置易縣爲州治，明初，省縣入州，民國二年二月，改州爲縣。

涞水縣 隋開皇十年置永陽縣，十八年，因與永州永陽縣重名，（見元和郡縣志）以縣境爲涞水所經，改今名。

涞源縣 漢名廣昌，隋改飛狐，明初，又復故名，清因之，民國三年，因與江西縣名重複，改今名，水經，『巨馬河出代郡廣昌縣涞山，』酈注，『卽涞水也，有二源，俱發涞山，』改名本此。

定 北魏皇始二年置安州，天興三年，改曰定州，定之名始此，和郡縣志，『魏武帝平慕容寶，置安州，又改定州，以平定天下爲名也，』隋迄金均仍之，（宋政和間，升爲中山府，金復爲州，）改中山府，明復爲定州，并省所治安喜縣入焉，清因之，民國二年二月改縣。

曲陽縣 史記趙世家，『武靈王二十一年，攻中山，令軍曲陽，』曲陽之名，見於記載者始此，亦即在今曲陽縣地也，漢爲上曲陽縣，以鉅鹿郡有下曲陽，（在今晉縣地）

故此加上字別之、澧水注、『長星水東逕上曲陽縣故城北、本岳牧朝宿之邑也、古者天子巡狩、常以歲十一月至於北岳、侯伯皆有湯沐邑以自齋潔、周昭王南征不還、巡狩禮廢、邑郭仍存、秦罷井田、因以立縣、城在山曲之陽、是曰曲陽、有下故此爲上矣、』山曲之陽、謂在恒山南、本縣境域、由宋以前、均較今爲廣、其西北部兼有今阜平之半、恒山實在境內、前漢書地理志、郡國志、下及晉魏隋唐諸史、皆云、縣有恒山、不徒崇祠在縣城已也、縣名至北齊去上字、爲今名、(時下曲陽已省) 隋開皇六年、改名石邑、次年、又改恒陽、唐元和十五年、以避諱復名曲陽、元初曾升爲恒州、其時恒山已不在境內、但州轄有阜平等縣、故仍以山名焉、尋復爲縣、今因之、

縣志、『宋史地理志、曲陽縣有軍城寨、今軍城寨隸唐縣、北去縣境九十里、而唐縣尚有鋪名恒陽、其所屬之倒馬關公文、仍由曲陽驛遞、是宋以前縣東北境之遠可知矣、』錄之、亦可知以前縣界之所至云、

深澤縣 漢縣、今因之、太平寰宇記、『以界內水澤深廣名之、』

深 縣 隋開皇十六年、於安平縣(元和志寰宇記均作於饒陽置、茲從隋志)置深州、後廢、唐初又置、元

和郡縣志、『以州西故深城爲名、』太平寰宇記同、故深城無考、深州風土記云『寰宇記一本深城作深池、與元和志異、疑池字是、』亦係揣測之詞、且池不能稱故、所言未足據也、明初、省所治靜安縣入州、清因之、民國二年二月改縣、

武強縣 本作武彊、漢高帝六年、嚴不識以擊跡布功、封武彊侯、後漢光武拜大司空王梁爲武彊侯、晉因置武彊縣、以後均仍之、至明史地理志、縣名始改用強字、義未詳、

饒陽縣 古名饒、史記趙世家、『悼襄王六年、封長安君以饒、』正義、『卽饒陽也、』漢置饒陽縣、應劭曰、『在饒河之陽、』命名以此、清一統志、『饒河原在縣西南三十里、本滹沱支流、今涇、』縣名沿稱至今、

郡國志有『饒陽故名饒』之語、深州風土記云、『凡續志所稱故名、並是西京舊號、然則今漢書地理志有饒陽縣、蓋陽爲衍文也、』此論殊爲武斷、郡國志有『鉅鹿故大鹿』一語、豈前漢卽名大鹿乎、

安平縣 漢置、今因之、義未詳、

讀史方輿紀要安平縣註、『高帝封鄂千秋爲侯邑、』非也、千秋玄孫但、坐與淮南王安通、棄市、以地理考

之，當係封於豫章郡之安平，與此無涉，附誌正之。
 邢臺縣 春秋邢地，左傳杜注，「邢國在廣平襄國縣，
 『史記趙世家，』成侯二十年，魏獻榮祿，因以為邢臺，』
 集解，『徐廣曰，襄國縣有邢臺，』郡國志，『襄國本邢國，
 秦為信都，項羽更名，有邢臺，』襄國，漢縣，即今邢臺
 地，隋改稱龍岡，宋宣和二年改今名，以本邢地，兼合邢
 臺為名也。

縣名臺字今作台，係從簡，非正名也。

沙河縣 隋開皇十六年置，今因之，『和郡縣志，』
 以沙河在縣南五里，因以為名，』

南和縣 漢縣，今因之，太平寰宇記引水經注云，『
 北有和成縣，故此縣云南，』案今本水經注無此文，又漢
 書地理志無和成縣，功臣表，『高祖十一年，封公孫昔為
 禾成侯，』濁漳水注作和城，其地在今寧晉縣東北，

平鄉縣 漢縣，今因之，錢坫曰，『劉向列仙傳，木
 羽，鉅鹿南和平鄉人，是其先為鄉，』蓋平本鄉名，後以
 鄉為縣，遂並鄉字存之耳，

漢時本縣分屬平鄉鉅鹿二縣，西北部屬平鄉，東南南
 部屬鉅鹿，平鄉治在今縣西北六里，鉅鹿治則在今平鄉縣
 城，晉省平鄉，北魏鉅鹿東徙三十里，又於鉅鹿原治，另

置平鄉縣，時縣東部為鉅鹿，西部為平鄉矣，北齊併鉅鹿
 入平鄉，縣境始完，誌之，以明分合之迹，

廣宗縣 漢縣，在今威縣地，隋改名宗城，元初，省
 入洛水，憲宗五年，另於今治置廣宗縣，今因之，威縣志
 謂命名取推廣宗子之義，

漢書諸侯王表，元始二年，封劉如意為廣宗王，後漢
 置縣，均在今威縣，今廣宗縣本與威縣接壤，漢晉間經縣
 在今廣宗，而北魏經縣則改置於今威縣地，可見今廣宗必
 與古廣宗境地互有分合，元置今縣以廣宗名，蓋有本也，

鉅鹿縣 濁漳水注，『秦始皇二十五年滅趙，以為鉅
 鹿郡，』鉅鹿之名，可考者始此，臣瓚曰，『山足曰鹿，』
 應劭曰，『鹿，林之大者也，』顏師古曰，『應說是，』蓋其
 地多林木，因以名焉，漢鉅鹿郡治鉅鹿縣，在今平鄉，（
 說詳平鄉縣）太平寰宇記引十三州志，以為堯試舜於大麓，
 即此，雖不可深信，然郡國志云，『鉅鹿故大鹿，』則古固
 曾以大鹿名也，今之鉅鹿，在漢為南鄉縣，亦屬鉅鹿郡，
 北齊省鉅鹿，隋大業初，移其名於此，沿稱至今，

安祿山反，至鉅鹿，欲止，驚曰，鹿，吾名，去之沙
 河，（以鉅音同錫）倭之者比之漢高之不宿柏人，見舊唐
 書本傳，亦縣名之點綴也，并記之，

堯山縣 漢柏人縣，東魏改爲柏仁，帝王世紀以爲堯郡此，縣西北有堯山，唐天寶元年，因改以堯山名焉，金大定中改名唐山，以後因之，至民國十七年十一月，因與豐澤兩縣所屬之唐山鎮同名，公文信件，往往誤投，復改名堯山，內邱縣 漢中丘縣，太平寰宇記引十三州志，『西北有蓬山，丘在其間，故曰中丘，』隋開皇初避忠字，改爲內丘，清雍正間，又以避孔子諱，改丘爲邱，說詳任邱縣，任 縣 春秋晉邑，左傳襄公三十年，『羽頡出奔晉，爲任大夫，』杜注，『任，晉縣，今屬廣平郡，』考魯襄公三十年，爲周景王二年，迄今已二千餘年，地名沿稱，未經改易，實縣名中之最古者也，

永年縣 漢迄北魏爲廣年縣，隋仁壽元年，避太子名，改爲永年，

曲周縣 漢置，今因之，義未詳，

肥鄉縣 竹書紀年，梁惠成王八年，『伐邯鄲，取肥，』

『太平寰宇記引』即今肥鄉縣地，黃初二年置縣，今因之，置縣前當爲鄉，縣并鄉字爲名耳，（與平鄉同例）

雞澤縣 左傳襄公三年六月，諸侯同盟於雞澤，杜注，

『雞澤在廣平曲梁縣西南，』郡國志，『曲梁有雞澤，』濁漳水注，白渠水自邯鄲來，『一水東爲澤潞，曲梁縣之雞澤也，』

也，國語所謂雞丘矣，』元和郡縣志，『雞澤，在永年縣西南十里，』曲梁在今永年治，蓋古雞澤原在今永年縣西南，不在今雞澤縣，今縣漢至隋爲廣平縣，開皇十六年改今名，以地近古雞澤也，

案雞鷄本係一字，惟縣名今習慣作鷄，從之，

廣平縣 本魏縣地，金大定七年析置，遙取漢廣平縣爲名，（原廣平縣在今雞澤，）以後因之，清隸廣平府，因與府同名，俗呼縣爲小廣平以別之，

邯鄲縣 春秋時爲晉邑，左傳定公十年，（案是年爲周敬王二十年，）『衛侯伐邯鄲于寒氏，』杜注，『午，晉邯鄲大夫，』邯鄲之名，見於記載者，始此，漢置縣，沿稱至今未改，

漢書顏師古注引張晏曰，『邯鄲山在東城下，單，盡也，城郭從邑，故加邑云，』濁漳水注引此無邯字，後漢書光武紀注，『邯，山名，鄲，盡也，邯山至此而盡，城郭字皆從邑，因以爲名焉，』案邯原應作甘，山名，鄲作單，與殫同，訓盡，甘山至此而盡，故取其義加邑旁以爲邑名，以後山名，亦稱邯鄲，則又以邑名而轉爲山名矣，成安縣 漢有二成安，一屬陳留，一屬潁川，皆非今成安也，今縣漢爲斥丘，東魏天平初省，北齊改置成安縣，

唐天祐二年，又名斥丘，後唐復故，今因之，義未詳。

威縣 金天會七年置威州，縣名之所本也。惟威州初治井陘，今威縣地，在余有洛水縣，隸洛州，與威州相隔數百里，本不相及。元定宗二年，以洛水遙隸威州，憲宗二年，并自井陘徙威州來治洛水，於是威之名稱，始在今地。一井陘洛水，相距甚遠，威州初治井陘，而遙領洛水，後徙治洛水，而遙領井陘，終元之世未改，亦可異也。一至正中省洛水縣入州，明初降為縣。

清河縣 水經，「淇水東北過廣宗縣，東為清河，酈注，「清河又逕清陽縣故城西。」漢置清河郡，因水以名焉。郡治清陽縣，原在今清河縣地，後漢清河郡徙治甘陵，一在今山東清平縣南。後郡亦改名甘陵，三國魏時，郡縣又均改名清河，縣以清河名始此，惟不在今清河境耳。北齊於今清河縣地置武城縣，徙清河郡來治，（原清河縣改名貝丘，不復以清河名矣。）隋開皇六年，又改武城縣曰清河，即今縣也，以後因之。

磁縣 本州名，隋開皇十年置慈州，治滎陽縣，即在今磁縣治。元和郡縣志，「以縣西九十里有磁山，出磁石，因取為名。」考字書無磁字，磁石字無心。隋志作慈州，又臨水縣下注云，「有慈石山。」慈即磁，古通用也。大業

二年，州廢，唐武德元年復置，貞觀元年廢，永泰元年又置，元和郡縣志，「以河東有慈州，故此加石也。」則有石旁之字，乃唐代避州名重複所改，非原字也。惟州於武德永泰，兩次重置，改用石旁之字，係在何時，史無明文。考河東道慈州，原名汾州，貞觀八年，始改稱慈州，則此慈州之加石旁，自在永泰復置時矣。天祐三年，又以與河東慈州字音相同，改名惠州，一案以慈改惠，是作慈愛解，非磁石原義矣。一後唐復故，宋政和三年，改為磁州，均治滎陽縣。元末，州縣俱廢，明初復置州，而不領縣，清因之，民國二年二月改縣。

趙縣 周穆王封造父於趙，趙為地名，此為最古，其後遂以國為氏，釋名，「趙，朝也，本小邑朝事於大國也。」但故地在今山西趙城縣，其最初見於本省者，為戰國時之趙國，漢以後，趙時為國，時為州郡，今趙縣，自漢以後為平棘縣，三國魏以後屬趙國，北魏趙郡始治之，唐以後為趙州，均仍治平棘，明初，省平棘入州，民國二年二月，改州為縣。

柏鄉縣 漢景帝元年，封趙哀王子買為柏鄉侯，在今縣西南，傳三世國除，但故城仍在，晉太元九年十月，趙郡人趙東，起兵柏鄉，以師符丕將郡興，即此，隋開皇十